

De Pharnacis II.

Singulari numo aureo

AD SERENISSIMUM PRINCIPEM

MAXIMILIANUM

ARCH. AUSTR.

Pharnacis II. Bosphori primum, dein et Ponti Regis numum, quem Tibi SER. PRINCEPS, nec non et mihi nuper videre contigit in lucem proferre ob epochæ novitatem antiquariorum genio morem gerere est.

Desperatis Parentis sui Mithridatis VI. in Ponto rebus parricida hic copias ejus tam insidiose corrumpit, ut violentas ille sibi ex animi dolore manus inferret. Ejus cadavere ad Pompejum M. transmissio Bosphoranum sceptrum obtinuit: mox inter illum et Jul. Cæsa rem obortis dissidiis oportune abusus Asandro in Bosphori procurationem constituto in Pontum irruit, ibique impune debacchatus est, donec sublato Pompejo Pharnacis simultatibus ulciscendis excitatus I. Cæsar ex Aegypto movens anno U. C. 707, ante Christum .47. exercitum ejus adorsus tam celeriter confregit, ut rapidæ excursionis illius exitum in epistola ad Anicium describens famigerato laconismo illo usus sit VENI, VIDI, VICI. Profligatum Pharnacem sese in Pontum e clade protipientem Asander throno inhians interfici jussit. Hæc præcipua de Pharnace ipso; reliqua fusius apud Plutarchum et Appianum.

Nunc de typo.

Caput Regis diadematum ad sinistram.)(ΒΑΣΙΛΕΩΣ ΒΑΣΙΛΕΩΝ ΜΕΓΑΛΟΤ ΦΑΡΝΑΚΟΤ Apollo ad dext. sedens d. manu ramum lauri protendit, sinistra lyram tenet: pone epocha ΓΜΞ sub qua monogramma II elemento A incluso ac Σ desuper eminente complexum: *Aur.* 11. *moduli.* Ratio Apollinei cultus apud reges Ponticos eadem fuerit, quæ Jovis ætrophori apud Macedonicos, et Minervæ apud Thracicos, ut in Alex. M. Phil. III. ac Lysimachinumis adparet, peculiari cuique regimini e coelitis in Patronum delectu.



Monogrammata fere omnia jam nemo post clariss. Eckhelii animadversiones dubitet monetarias mere siglas fuisse.

Ad rem magis facit annus 243. ad Varronianum calculum in area numi expressus. Quum initium æræ Ponticæ ad annum U. C. 457. sub Mithridate I. figatur, si addideris annos huc recitatos—243. evinces numum exeunte sæculo V. C. septimo cūsum fuisse.

700.

Tres typi consimiles huc usque cogniti posteriores epôchas habent, scilicet EMΣ 245, CMΣ 246, ZMΣ 247, nullo alio comperto qui maturiorem ætatem designet.

Quod mechanicam operis spectat fabrica ejus indolis omnino est, cujus Lysimachi omnes secundi moduli, quorum tam opulentam mercem in vicino tractu, et quidem cum Pharnaceis numis effosam lippi et tonsores, Mauri atque Indi jam noverunt. Ex qua fortuita accidentium conspiratione conjectandum foret Lysimacheos numos tales artificii elegantia ab antiquioribus tam misere degeneres Pharnaci II. cozzvos pro hybrida moneta suffectos censendos. Sed de his alias.

Bonæ fortunæ Ill. D. Baronis Josephi Nalátzi cimelii hujus notitiam Dacia antiquaria acceptam refert, quæ alia tam præstantis ingenii experimenta patriarum Musarum. decori auspiciatissime elaborata communi plausu jam pridem exceperat.

Hæc Tibi SER. PRINCEPS, qui in venerandæ antiquitatis reliquias mire exardescens quidquid e gravioribus negotiis publicis superat in numismaticam præsertim græcam excolendam impendis (quæ laus domestica et Tecum peregrinatur) de præclaro hoc cimelio, cujus adspectu summo opere es delectatus exponere, mearum partium ratus sum.

Gratulor interim SERENITATI TUAE, quod faustus felixque Tuus ad hæc Comitia adventus non modo Proceres de Regno insigniter meritos æstimasse dederit, sed et complures Musis amicos atque antiqua eruditione conspicuos viros ita promeruisse, ut numophilacii Tui de propria penu ditandi æmulatores evaserint.

Dabam Claudiopoli Transylv. Die VIII Julii Anni MDCCCIX.

Felix Caronius Cl. Reg. Barnabita.

VA1

1541693